

'ի վերայ ձեր, և յետ կիսամահ առնելոյ զձեզ դանիւք, բռնութեամբ առնուլ զկրկնասպասիկն. և առաքեաց զնոսա 'ի վրան Քեահեային, ուր մնացին յարգելանս յառաւօտէ մինչեւ ցերեկոյ: Ապա խնդրեցին իմանալ զկամս Բդեշխին, ասէ ցնոսա Քեահեայն 150,000 դահեկան խընդրէ 'ի ձէնջ. մինչեւ ոչ խոստանայք ոչ կարէք ելանել աստի: Ապա բազում պաղատանօք եւ միջնորդութեամբ ոմանց հայազգի սպասաւորաց Բդեշխին, մինչեւ ցկէս զիչեր հազիւ կարացին հաճեցուցանել զնա մինչ ց40,000, և զերծան անտի: Յառաւօտեան կանուխ պաշարեցին Ոստիկանք զդուռն վանաց, մին խնդրէր դրով 40,000 «դոպէն». 4422 դահեկան 30 փարայ Բեթղեհէմի Հայոց բաժին «դոպէն»: 4500 դահեկան 3 անգամ Բդեշխին ծուխ պատրաստելոյ «այէ», զոր յանաջագոյն արգիլեալ էին. այժմ սա բռնութեամբ ա՛ն: Իսկ միւսն պահանջէր 40,000 դահեկան իւրօրէ. 4000 Քեահեային. 3000 եղբօր Բըդեշխին. 3000 Քիլէր էմինին. 1000 Գանձապետին. 2000 յանուն Գատաւորին, բայց ոչ ետ նմա եւ ոչ դանկ մի: Այսպէս աւուրս 6 շրջէին Ոստիկանք 'ի մէջ վանաց, խըստիւ և բռնութեամբ պահանջէին, խորտակեալ զգրուես սենեկաց մտանէին 'ի ներքս. միաբանք չկարացեալ վճարել զայնքան գումարն, թագուցեալ էին 'ի սենեակս, և հնարս խնդրէին գոնէ զմի փոխանակագրով հատուցանել 'ի Կոստանդինուպօլիս, այլ Ոստիկանք որում և զիպէին՝ կալեալ գանէին և հայհոյէին: Տեսեալ Սորհրդականաց թէ թագստեամբ չվճարի ինչ, ժողովեցին զգրամս որչափ և կարացին, և ետուն բազում մլասուք, զի զմահմուտիէ սակին ետուն 27¹/₂, որ արժէր 35 դահեկան. նոյնպէս եւ զայլսն. 41,865 տրամ ձուլեալ արծաթ, 44 փարայ հաշուելով զտրամս: Իրբեւ զիւրացաւ այս վճարումն, դարձեալ բռնութեամբ էառ 3600 դահեկան վան երկուց Ոստիկանաց, 2000 դահեկան յանուն զահրէճիի, 500 մի ժամացոյց 350 մի մատանի, 300 մի սետէֆքեարի արկղիկ Քեահեային, 350 մի ժամացոյց Բդեշխի որդւոյն, և այլոց և այլոց, որոց ամբողջ գումարն եհաս 128,000. և ոչ մնաց դրամ հոգալ զպէտս միաբանաց եւ տալ զտոկոսիս, եւ չունէին ակնկալութիւն առնուլ մուրհակաւ: Եւ յետ մեկնելոյ